

2001-10-11
kioskoa**Pantxike Agirre****Erreakzioa**

Igandean hasi zen, Bilboko Euskalduna jauregian, Elkarri-ren Bake Konferentzia. Igandean bertan Estatu Batuek Afganistanen kontrako bonbardaketari ekin ziotela eta, notiziak itzali egin zuen, nola-bait, ekitaldia, eta haren inguruko iritziak bigarren mailan geratu ziren. Egun batzuk pasatu diren arren, atzo heldu zioten gaiari, editorial luzea osatuz, **El Correo Español** eta **El Diario Vasco** egunkariak. Esanguratsua da, halaber, PSE-EEK autodeterminazio eskubideari buruzko eztabaida batean sartzeko prest dagoela dioen txostena filtratu eta hurrengo egunean etortzea —txosten horrekin bat datozen Odon Elorza eta Gemma Zabaleta izan ziren Euskaldunan—. «Sentsibiltate polarizazio handia dugu Euskal Herrian, eta bitartekari izan nahi duen ekimen oro egunero elkarren kontra dauden kontzeptzio horietako bati emango dio sendotasuna: gizartea bereganatzeko gai izango den gehiengo soberanista bat osatzeari edo euskal herritarren topagune gisa egungo markoa defenditzeari», zioen atzoko editorialak. Elkarri «abertzaletasunaren barruko korrante guztientzat erreferentzia gunea» baino ez dela gaineratzen zuen gero.

PSE-EEri begira jarri zen atzo **El Mundo** ere: «Txostenak nahasmena areagotzen du eta gaizki egingo lukete euskal sozialistek ETA ahultzeko baliagarria izan den PPren estrategia aldatuko balute». **Deia**-ren ikuspegitik, berriz, «nora-bide berri hau bat dator filosofian Ibarretxe lehendakariak egin dituen proposamenekin. (...) Sozialismoan ikusten den aldaketak garrantzia handikoa izan daiteke alde guztietatik».

Egunkaria 3.369. zenbakia

Ohorezko Lehendakaria: Martin Ugalde**Administrazio Kontseiluko Lehendakaria:** Joan Mari Torrealdai**Kontseilari Ordezkarria:** Iñaki Uribe**Zuzendaria:** Martxelo Otamendi**Gerentea:** Mikel Sorozabal**Publizitatea:** Idoia Sanz**Egoitza Nagusia:** Gudarien etorbidea, z/g 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707**Webgunea:** www.egunkaria.com**Posta elektronikoa:** egunkaria@egunkaria.com**Publizitatea:** publi@egunkaria.com

IKUSKATURIKO HEDAPENA
Batzarde Parekidea: 72664 E. Lege Gordailua: SS 800/90 ISSN 1134-640X

ORDEZKARITZAK ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965

Nafarroa: Irabie Monasterioa, 45-13. esk. (Irritzidorra) 31011 Iruñea
Tel.: 948178078-79 Faxa: 948178077 Tel.: Publizitatea: 948176686

Bizkaia: Egia Jenerala, 3-behea. 48010 Bilbo Tel.: 944104046 Faxa: 944103715

Tel.: Publizitate Orokorra: 944701199-80 Publizitate Lokala: 944701114

Lapurti, Nafarroa Beherea, Zuberoa: Pelletier 35, 1 503 Posta
kubxatila, 64100 Baiona Tel.: 559593575 Faxa: 559257511

martintxo**hizpideak****Eztabaidatzeko lekua hartzen**

Sozialisten artean lehendik abian zen eztabaida azkartu egin du Eigurenek landutako txostena plazaratzeak. Autodeterminazio eskubidea eztabaidagai gisa aintzat hartze hutsak hautsak harrotu ditu, eta, dagoeneko, debaterako kokatzen hasiak dira buruzagi sozialistak. Gai honetan beti erakutsi duten jarrera zurruna berretsi dute bai Rodriguez Zapaterok eta bai Nicolas Redondok, Eigurenek txostenak eztabaidatzeko agertzen duen prestutasunetik urruti. Pentsatzekoa da Redondok jarrera horri eutsiko diola etorkizunean ere eta, Konferentzia Politikoan beste bide bat nagusitzen bada, idazkaritza utziko duela. Zapaterok, berriz, PSOEek ez duela sekula autodeterminazio aukerarik aintzat ere hartuko esan zuen atzo, baina PSE-EEK erabakitako estrategia errespetatuko duela esan zuen herenegun bertan.



Afganistango iheslari batzuk, Pakistanerako muga zeharkatzen.

Aeronautika sektorearen krisiaren lehen zantzuak

Irailaren 11an jazotakoak zuzenean kolpatu ditu munduko hegazkin konpainiak. Hegaldi kopuruen murrizketa, hegazkin berrien erosketak bertan behera uztea eta milaka lagun kaleratzeak iragarri dituzte azken hilabeteetan, eta, guzti horren lehen ondorioak hasi dira Euskal Herrian nabaritzen. Azken urteetan aeronautika sektorean, hegazkin osagarriak eginez, indartsu zebilen Gamesak bere aeronautika atalean 500 langile kaleratuko dituela jakinarazi du, eskaria murriztu zaielako. Sindikatuak, hala ere, irailaren 11aren aurretik Gamesak 150 langileri ez ziela kontraturik berriro gogoratu eta atzo jakinarazitako erabakia astakeriatzat jo zuten. Zenbaterainokoa da krisia orduan?

Andoni Egaña irabazi zuen azken bertsolari txapelketa.

**Diplomaziaren emaitzak**

Ofentsiba diplomatikoan dabilta Tony Blair eta Collin Powell; herri islamdarrek eta eskualdeko gainerakoak, eraso militarren alde jartzen ez badira ere, aurka jar ez daitezen konbentzitzeko. Dirudienez, bi *enbaxadore* horien lana ez doa bide onetik: atzo bertan 56 herri islamdarretako Atzerri ministroak bildu ziren eta «beste herri islamdar baten aurkako eraso» ez dutela onartuko eta EEBBek NBERi aurreratutako balizko eraso horrek «ondorio larriak» izango lituzkeela ohartarazi baitzuten. Herri arabiarrek ere mezu bera igorri dute. Erasoak hedatuz gero, begi bistakoa da herri islamdarretan gerta litezkeen istiluak kontrola ezin izan litezkeela gobernuztat.

Txapelketa Nagusia, betsozalearen poz

Alderdi txar ugari ikusi izan zaizkio Euskal Herriko Bertsolari Txapelketari —begiratu ere alderdi askotatik begiratu izan zaiolako, besteak beste—, eta argi dago bertsolarien artean dardara, ezinegona eta are izua ere sortzen duen ekimena dela. Baina Txapelketa Nagusia deitu ohi dena gailur bat da bertsolaritzan, bertsoszalearentzat pozgarri eta bertsolaritzarentzat pizgarri ukalezina. 37 dira azken fasean parte hartuko duten bertsolariak —tartean egungo txapeladuna, Andoni Egaña—, baina 173k eman zuten izena. *Boom* handiaren garaia iragana egonagatik ere, bertsolaritza bizirik dagoela erakusten du horrek.